

## PRILOG PROUČAVANJU KONCEPCIJE O NACIONALNOM »OPREDJELJIVANJU« BOSANSKO-HERCEGOVAČKIH MUSLIMANA

Još od prvih početaka budenja nacionalnih pokreta kod nas postojaо je živ interes za pitanje nacionalnosti bosansko-hercegovačkih Muslimana. Iznošena su i zastupana različita mišljenja koja su u najviše slučajeva proizlazila iz političkih interesa. Zavisno od toga pojavljivale su se razne i često suprotne teorije: da su bosansko-hercegovački Muslimani nacionalno svjesni Srbi ili Hrvati; da su Srbi ili Hrvati, ali samo bez svijesti o tome; da su to nacionalno »Bošnjaci« i da su uopšte bez nacionalne pripadnosti (»anacionalni«, »klerikalno nastrojeni«, odnosno »Turci« — kao tada sinonim za »muslimanstvo«).

Sve ove teorije imaju bitno ideološki i klasni karakter. One su bile inspirisane posebnim interesima određenih grupa vladajućih klasa kod nas, jer idejno i teorijski formulisu težnju za dominacijom nad ovom društvenom grupom, koja je u osnovi stajala na putu njihovih posebnih klasnih ili nacionalnih interesa. Riječ je o srpskoj, hrvatskoj i muslimanskoj buržoaziji, kao i stranim pretenzijama (turskim i austro-ugarskim).

U političkoj praksi najživlja je bila i još je aktuelna ona teorija koja problem bosansko-hercegovačkih Muslimana postavlja u smislu nacionalnog »opredjeljivanja« za Srbe ili Hrvate, čime se u stvari prejudičira objektivno teorijsko i naučno razmatranje ovog pitanja. Tako se izbjegava spoznaja njegove suštine, jer je sam problem ideološki naopak postavljen. Naime, ako se govorи o nacionalnom »opredjeljivanju« kada što je to bila politika građanskih partija u staroj Jugoslaviji,<sup>1)</sup> a što si u izvjesnoj mjeri dešavalo i poslije socijalističke revolucije, tada se samim izrazom »opredjeljivanje« (i njegovim lingvističkim značenjem) isključuje svaka druga mogućnost osim da se bosansko-hercegovački Muslimani izjasne kao Srbi ili Hrvati, ili u drugom redu da ostanu »neo predjeljeni«, dok ne postanu »nacionalno svjesni« Srbi ili Hrvati. Ovak jednostrano postavljen problem u smislu dileme nacionalne »opredjelje-

<sup>1)</sup> Opredjeljivanje je moguće na osnovu slobodne volje subjekta da odluči: tad ono znači afirmaciju čovjekova modi, stupanj na kome čovjek osjeća svoju egzistenciju i punu afirmaciju svoga »ja«. S druge strane označenje opredjeljivanje nije nič drugo nego određeni oblik čuvanja alijansije; u nacionalnom pitanju to ponima svaki vrstan oblik sovinizma koji neminovno izaziva protivstavljanje sa svim objegovim reprezentacijama.

nosti, na određeni način, više decenija produbljavao je jaz u odnosima naših naroda.

Naučni, tj. objektivni pristup ovom pitanju morao bi poći od činjenice a ne posebnih interesa, težnji i želja vladajućih grupa, kao što ih nijihovi teoretičari. Neophodno je, naime, utvrditi šta društveno-istorijski bosansko-hercegovački Muslimani jesu i kako se danas osjećaju, tj. koji je kod njih oblik društveno-grupne svijesti preovlađujući. Postavka o podjeli bosansko-hercegovačkih Muslimana na Srbe, Hrvate ili neopredijeljene neodrživa je već po tome što ne vodi računa o davnim veličinama i posljednjem posljednjem društvenom fenomenu bosansko-hercegovačkih Muslimana. Kao samostalna i posebna etnička grupa sa svim relevantnim atributima, oni u nacionalnom smislu nisu ni Srbi ni Hrvati, niti »neopredijeljeni«, već svjesni svoga etničkog (nacionalnog) personaliteta predstavljaju u srpsko-hrvatskom jezičkom području etničku posebnost, kao što su na sličan način srpska, crnogorska i hrvatska nacija.<sup>7</sup> To, uostalom, potvrđuju izjašnjavanja bosansko-hercegovačkih Muslimana prilikom popisa stanovništva poslije rata, kao i nekoliko naučnih istraživanja.

Vjerski i nacionalni odnosi u Bosni i Hercegovini bili su u centru pažnje turskih i austro-ugarskih okupatora radi očuvanja i preduzavanja svoje vlasti u ovim krajevima. Tlm pitanjima bila je stalno okupirana velikosrpska i velikohrvatska buržoazija radi učešća u iskoristavanju ogromnih privrednih potencijala Bosne i Hercegovine. Muslimanski begarci i čaršija su ovaj hegemonistički pritisak na Muslimane i njihovo ugnjetavanje iskoristili za svoje posebne klasne, čaršijske interese. Sve je to imalo uticaja da su produbljavani i zaočtravani ionako prilično komplikovani vjerski i nacionalni odnosi. Svakako je tome pogodovao proporcionalni odnos stanovništva (od austro-ugarske okupacije pa sve do danas Muslimana je bilo uviyek oko trećinu od ukupnog stanovništva). Zato je, u sklopu ovih pitanja, i razumljiv interes za nacionalnost bosansko-hercegovačkih Muslimana, jer se sve do socijalističke revolucije smatralo da je Bosna onoga uz koga su Muslimani. To je opet dovelo do toga da hegemonistički režimi kao i uopšte najveći broj građanskih političara u Staroj Jugoslaviji nisu tretirali bosansko-hercegovačke Muslimane kao subjekt u nacionalnim odnosima, nego kao objekt na koga polazi pravo velikosrpska i velikohrvatska buržoazija, pa se zbog toga i inistiralo jedino na njihovom nacionalnom »opredjeljivanju« za jednu ili drugu stranu, a ne na samoopredjeljenju onako kako se osjećaju, odnosno da se prizna ono što stvarno jesu. Tako su političke transakcije, nagodjaji i kompromisi bili stalna praksa kako vladajućih tako i opozicionih građanskih političkih stranaka sa predstvincima muslimanskih građanskih političkih stranaka.

Socijalistička revolucija stvorila je povoljne uslove za slobodan razvoj svih nacionalnosti, narodnosti i etničkih grupa u bratskoj zajednici.

<sup>7</sup> Končna posebnost bosansko-hercegovačkih Muslimana je to da su to jedina etnička grupacija, etnička zajednica, etnička cjelina, i državni nosilac u Bosni i Hercegovini. To je osobna etnička strada – bosansko-hercegovački Muslimani, ali i skrozno bosanski Muslimani, i dočasnici toga su ujedno i Muslimani, za koju je odumire grupa.

a praksi socijalističke revolucije i socijalističke izgradnje naše zemlje ostvaren je princip samoopredjeljenja naroda. Primjena socijalističkih pravaca u našoj cijelokupnoj stvarnosti pozitivno se odražila i u slavu prema nacionalnosti bosansko-hercegovačkih Muslimana. Oslобodenje hrvatskog pristika svake vrste, oni su u socijalističkoj revoluciji kao i u izgradnji prihvatali i provode u život princip bratstva sa Srbima i Hrvatima kao nezamjenljivu pretpostavku dostopnog života. Radnička klasa i ostali radni slojevi u prvi plan su istakli ono što spaja, što je zajedničko. Istovremeno je priznanje istorijski nastale posebnosti i osobnosti svake etničke grupe ili nacije bila i ostao uslov njihovog ravnopravnog statusa i slobodnog udruživanja u jedinstvenu zajednicu istih humanih vrijednosti zasnovanih na socijalističkim društvenim odnosima. Taj proces prevazilaženja posebnosti danas se odvija na osnovu radničkog i državnog samoupravljanja. Međutim, Jugoslavija na današnjem stupaju razvitka nije samo socijalistička zajednica komuna, radnih organizacija i radnih ljudi nego i zajednica republika, nacija, narodnosti (nacionalnih manjina) i etničkih grupa koje svu svoju individualnost mogu slobodno da razvijaju bez štete za opštu zajednicu i u duhu socijalističke humanističke sadržine, tj. ukidanja ostataka klasnih i stvaranja istinskih ljudskih odnosa.

U procesu našeg socijalističkog razvijanja zanimljiva je i važna činjenica da se široke muslimanske mase nisu nikada nacionalno identifikovale kao Srbi, odnosno Hrvati. Zato je danas svako forsiranje, a pogotovo nametanje nacionalnog »opredjeljivanja« strane našoj današnjoj društvenoj stvarnosti. U vezi s tim drugi Tito je na Drugom plenumu Centralnog komiteta Saveza komunista Jugoslavije, novembra 1959. godine, rekao sljedeće: »Ovo sam spomenuo uzgred da bih pokazao da i one stvari u vezi sa nacionalnošću Muslimana treba postepeno likvidirati. Ljudi treba pustiti pa neka ako hoće budu nacionalno neopredjeljeni građani Jugoslavije. Neka taj čovjek bude Bosanac, Hercegovac, Vani vas i ne zovu drukčije nego imenom Bosanac, pa bio to Musliman, Srbin ili Hrvat« (podvukao A. P.).<sup>3)</sup>

U jednoj drugoj prilici, na Sedmom kongresu Saveza omladine Jugoslavije, u januaru 1963. godine, drugi Tito je osudio svako insistiranje na nacionalnom »opredjeljivanju« Muslimana rekavši: »A u čemu je pojam jugoslavenstva, Šta, naime, znači biti Jugosloven? Danas to znači biti građanin socijalističke Jugoslavije. Međutim, iako je to jasno, koji nas postoje i jalove diskusije, na primjer o tome da li Muslimani trebaju se opredijele za neku nacionalnost. To je besmislica. Svaki može da bude ono što osjeća da jeste, i niko nema prava da mu natura neku nacionalnu pripadnost, ako se on osjeća samo građaninom Jugoslavije« (podvukao A. P.).<sup>4)</sup>

Ove Titove riječi o besmislenosti nacionalnog »opredjeljivanja« bosansko-hercegovačkih Muslimana kao Srba i Hrvata vrlo su instruirajućim, str. 78.

<sup>3)</sup> Josip Broz Tito, Govori i članci, kn. XV, »Naprijed«, Zagreb 1962, jedan

<sup>4)</sup> Sedmi kongres Saveza omladine Jugoslavije, »Komunist«, Beograd 1963.

tivne i tačno odražavaju stvarno stanje u međunarodnim odnosima one poštuju osjećanje pripadnosti i slobodu samoopredjeljivanja, ali u kaziju i na socijalističko jugoslavenstvo kao ono što je zajedničko svima društvenim grupama i svim građanima Jugoslavije. To je ono konkretno, ali to opet samo po sebi pretpostavlja postojanje i slobodno razvijanje nacionalne i etničke samosvojnosti naših naroda.

Dosljedno socijalističkim principima i marksističkoj teoriji o nacionalnom pitanju bosansko-hercegovački Muslimani i u Ustavu Socijalističke Republike Bosne i Hercegovine (Osnovna načela) izdržaju se kao posebna etnička grupa.<sup>5</sup> Dalje je kao izraz demokratskih shvatanja i socijalističke prakse, a u skladu sa opštim marksističkim načelima Ustav SFRJ (član 41, stav 2) proglašavao načelo po kome »gradaš nija da žan da se izjašnjava kojoj narodnosti pripada niti da se opredjeljuje za jednu od narodnosti«. Ovim ustavnim principom se obezbeđuje jedan do maksimuma liberalan stav u vezi sa nacionalnim opredjeljivanjem u našoj socijalističkoj višenacionalnoj zajednici i otklanja mogućnost malekavog pritiska u smislu nacionalnog opredjeljivanja, a s druge strane se otvaraju široke perspektive razvijanju socijalističkog jugoslavenstva, kao oblika svijesti socijalističke zajednice radnih ljudi naroda Jugoslavije.

Nedavno je ponovo drug Tito, govoreći o opštoj privrednoj integraciji, nedvosmisleno ukazao na potrebu uklanjanja svega što smeta naše samu našem bržem razvoju, već i našoj nacionalnoj integraciji, sve ono što može da nas razjedinjuje. Naravno, ovdje se ne radi o negiranju nacionalnih kultura i nacionalnih elemenata koji postoje. Sve nacije u Jugoslaviji imaju mogućnost i pravo, prema našem Ustavu, da se razvijaju. Ali, ima nešto što nas u našoj socijalističkoj zemlji spaja i što nas i dalje mora spajati, jer socijalistička zemlja mora da bude monolitna (podvukao A. P.).<sup>6</sup>

No uprkos takvom razvitu stvari u našoj zemlji, mora se reći da još nisu isčezla u najmanju ruku zastranjujuća gledanja na problem nacionalnosti bosansko-hercegovačkih Muslimana. Primjer za to pruža jedan objavljeni članak sarajevskog profesora — etnologa Milenka S. Filipovića u njemačkom časopisu »Tribus« (br. 9 od 1959. g., Stuttgart) pod naslovom »Die serbokroatische Mohammedancer«.

Milenko S. Filipović, na primjer, tvrdi da »srpskohrvatski muhamedani ne čine homogenu narodnu grupu, a niti posjeduju vlastiti, jedin-

<sup>5</sup> U Ustavu SRBIH etnička posebnost bosansko-hercegovačkih Muslimana u nacionalnom pogledu izražena je, pored ostalog, i time što se svugdje u samom tekstu Ustava piše velikim slovom pojam Musliman (fansiogni Srbin i Hrvatini), a ne malim slovom, pa se i time distingvira nacionalna pripadnost muslimanskog etničkog grupaciju od vjerske pripadnosti koja se po pravopisnim pravilima označava malim slovima (musliman). Na ovaj se način jasno podviđa razlikovanje vjerske pripadnosti islamskih religija (musliman) od pripadnosti bosansko-hercegovačkoj zajednici u nacionalnom smislu (Musliman) koja je hira. Jer podrazumijeva ne samo vjernike nego i ateiste — Muslimane. Međutim i pored toga u mnogim štampanim tekstovima još uvijek se ne pravi navedeni razliku, navedeni, zbog striktnje primjene pravopisa. Od toga do sada nije bio isuzetak ni časopis »Pregled« u Sarajevo.

<sup>6</sup> »Narodne, broj 248 od 7. septembra 1961.

stveni narodni karakter,<sup>7)</sup> zbog čega ih ne treba posmatrati kao poseban narod niti kao posebnu etničku grupu, jer oni nemaju nikakvu vlastite nacionalne svijest. Premda je većina srpskohrvatskih muhamedanaca još nacionalno neopredjeljena, jedan znatan dio muhamedanaca priznaje se Srbima odnosno Hrvatima, i ovaj proces je još u toku i dobro napreduje (podvukao A. P.).<sup>8)</sup> Filipović zaključuje kako je »najznačajnije da brzo napreduje (podvukao A. P.) proces nacionalnog samoopredjeljenja među srpskohrvatskim muhamedanicima«, što će, uz ostale faktore, dovesti uskoro do toga da srpskohrvatski muhamedanci neće više predstavljati nikakve odvojene grupe, već da će samo postojati nacionalno svjesni muhamedanski Srbi i Hrvati.<sup>9)</sup>

Stavovi Milenka S. Filipovića svode se na tvrdnju da bosanskohercegovački Muslimani, ili kako ih on, — ne slučajno, — naziva »srpskohrvatski muhamedanci«,<sup>10)</sup> ne predstavljaju posebnu etničku cjelinu kao i da u socijalističkoj Jugoslaviji »brzo napreduje proces nacionalnog samoopredjeljivanja srpskohrvatskih muhamedanaca«.

Ovakve teorije predstavljaju obrazac buržoaskih ideologija koje nacionalnu svijest uzimaju kao vrhovni domet progra, vrlinu duha i zrelost nekog naroda, ne uvažavajući činjenicu da je nacija istorijski nastala društvena grupa u periodu industrijske podjele rada i kao takva ona je prolazno obilježje u procesu razvitka naroda, odnosno, prolazni oblik povezanosti ljudi na putu ljudske emancipacije. Nacija je zaista istorijska činjenica i uz odsustvo nacionalizma i šovinizma mora se poštivati kao momenat emancipacije, kao individualnost jednog naroda u istoriji, ali ne može biti cilj po sebi, smisao društvenog kretanja, kriterij progra. To može biti ujedinjeno čovječanstvo, asocijacija slobodnih prouzvodača, udruživanje u kome je slobodni razvitak svakog pojedinca uslov slo-

7) »Es ist vor allem hervorzuheben, daß die serbokroatischen Mohammedane weder eine homogene völkische Gruppe bilden noch einen eigenen, einheitlichen Volkscharakter besitzen« (»Tribus«, br. 9 od 1958, str. 55).

8) »Diese Tatsache bildet einen Grund mehr, die serbokroatischen Mohammedane weder als ein besonderes Volk noch als eine besondert etnische Gruppe zu betrachten und stellen eine ganze Reihe von Gruppen dar, die tatsächlich nur Teile größerer südostslawischer Gruppen sind. Sie können nicht als eine Nation oder als einheitliche Volksgruppe betrachtet werden, weil sie kein eigenständiges Volksbewußtsein haben. Obwohl die Minderheit der serbokroatischen Mohammedane national noch unentschieden ist, bekennen sich eine beträchtliche Zahl der Mohammedane zu den Serben bzw. zu den Kroaten und dieser Prozeß ist noch im Gange und macht gute Fortschritte« (»Tribus«, br. 9 od 1958, str. 57. i 58).

9) »Am bedeutendsten ist, daß auch der Prozeß des nationalen Sichtentscheidens unter den serbokroatischen Mohammedanern rasch forschreitet. Diese Entwicklungen und die ständige Abschwächung der religiösen und kirchlichen Einflüsse auf außerreligiöse Bereiche des Volkslebens werden bald dazu führen, daß die serbokroatischen Mohammedane keine abgesonderten Gruppen mehr darstellen werden, sondern da es nur noch nationalbewußte muhammedanische Serben und Kroaten geben wird, wie es auch orthodoxe und katholische Serben und Kroaten gibt« (»Tribus«, isto, str. 60).

10) Sto se tako izraza »srpskohrvatski muhamedanci« važi napomenuti da je upravo dosljedno pitanje stvari koju Muslimane stavljaju pred jedinu alternativu preko kojoj oni mogu nacionalno egzistirati samo kao Srbi ili Hrvati negirači im enosimočajnost, toliko uodjivu upravo za jednog etnologa. Ne radi se tu samo o istočnoj uticaju islama, koji su više ili manje došli do izražaja i u drugim etničkim zemljama, već je kontinuitet posebnosti bosansko-hercegovačkih Muslimana, koji ima svoje rascinke u prošlosti, učinio od njihove stanovništva koliko primio islam, jednu odvojenu, zasebnu etničku grupaciju. Prema tome izraz »srpski hrvatski muhamedanci« predstavlja neusplo i neadekvatan pokusaj određenja bosansko-etičkih Muslimana i ne spada u naučne nego više u propagandističke pojme

bodnog razvijka za sve.<sup>11)</sup> Ali, ovdje se radi o jednom načinu razvijanja koji se pretpostavku ima nacionalno obiljeđje i nacionalno opredjeljenje, kao vrijednosti, a ne svestrano razvijenu, humanu i produktivnu vrednost u slobodnoj zajednici. Za nas sa stanovišta socijalizma i oslobođenja je jedna i društva kao pretpostavki nije i ne može biti ma kakva nacionalna opredjeljenost mjerilo humanosti. Nije toliko bitan oblik, forma ispoljavanja pripadnosti nekoj grupi, koliko stvarni sadržaj oslobođenja čovjeka od raznih oblika otudnosti njegove generičke saštine, oslobođenja od svake vrste eksploatacije i ponuštenja, savladavanja svih prepreka na putu humanističkog progresa. U toj perspektivi i pitanje priznavanja bosansko-hercegovačkim Muslimanima prava da se izjašnjavaju i razvaju onako kako se osjećaju i što stvarno jesu ne samo da je pitanje poštivanja istorijske stvarnosti nego je i u saglasnosti sa principom socijalizma. A to je samo moment na putu ljudske emancipacije. Međutim, stvaranje socijalističkih proizvodnih i društvenih odnosa je ono što je bitno i što je garancija na dužoj istorijskoj stazi rascveti nacionalne i etničke kulture za sve dubljim socijalističkim humanim sadržajem. Novi sadržaj, pak, stvaraće i nove oblike povezanosti ljudi, stvaraće se i novi veza od nacionalnih i etničkih: one se već stvaraju u opštelijskoj jedarnosti.

Nasuprot Filipovićevim teorijama koje negiraju bosansko-hercegovačkim Muslimanima etničku posebnost koju je potvrdila i naša novija politička istorija, posebno od austro-ugarske okupacije pa na ovamo, u našoj nauci kao i u političkom životu sve više dolazi do izražaja stvaranje koje odgovara postojecoj stvarnosti. Tako etnolog Spiro Kulišić razmatrajući porijeklo bosansko-hercegovačkih Muslimana zaključuje da su se oni uslijed viševekovnog razvijka upravo pod turskom upravom razvili u posebnu etničku grupu. On navodi da su se osmanlijski domaćini — kojih je u Bosni i Hercegovini bilo vrlo malo i to među frajdacima — pod snažnim uticajem domaćeg stanovništva assimilišali i primili jezik autohtonog elementa. Ipak, kao i u drugim krajevinama u kultu zemlje i ovdje su se širili uticaji tursko-istočnojakačke kulture koji su u kod muslimanskog stanovništva manifestovali prvenstveno u materijalnoj kulturi. Po tvrdjenju Kulišića, međutim, »izdvojeno religijom i posebnim opštim položajem u odnosu na ostalo stanovništvo Bosne i Hercegovine pod Turcima, muslimansko se stanovništvo, u cijelini, pored nekada znatnih etničkih i klasičnih razlika, formiralo u zasebnu i pretežnoj ujednačenu etničku grupu« koja je do danas očuvala »mnoge bitne osobnosti koje su proizašle iz njenog specifičnog razvijka.<sup>12)</sup>

Isto tako Enver Redžić smatra da bosansko-hercegovački Muslimani predstavljaju specifičnu etničku cjelinu.<sup>13)</sup> Redžić je utvrdio da se u časopisu Jugoslaviji pitanje nacionalnosti bosansko-hercegovačkih Muslimana uveliko pod pritiskom velikosrpske i velikohrvatske buržoazije, pa je osim toga u dnevni red njihove političke aktivnosti i »demonstriralo se puni

<sup>11)</sup> K. Marks i F. Engels, Manifest komunističke partije, Izabrana djela 1, Sarajevo-Bački Beograd 1958, str. 21.

<sup>12)</sup> Spiro Kulišić, Razmatranje o porijeklu Muslimana u Bosni i Hercegovini, u: »Građanski Zemaljski muzej u Sarajevu«, 1952, str. 157.

<sup>13)</sup> Enver Redžić, Prijenos o nacionalnom pitanju, »Svjetlost«, Sarajevo, 1950, str. 10.

svoga pripadnoca srpskim i hrvatskim političkim organizacijama. Dejstvost takvog tretiranja tog problema vidi se iz Redžićeve konzervativno-političko-partijske pripadnosti, onda je — u zavisnosti od političke kontekstacije: »I čim se nacionalna 'opredjeljenost' počela da potvrđuje kao stoljeće, jednom među muslimanima bilo vise 'nacionalno osvjetlođenih' Srba, drugi put više 'nacionalno svjesnih Hrvata'. Zato je »istorija nacionalnog 'opredjeljivanja' muslimana Bosne i Hercegovine sastavni dio istorije srpsko-hrvatskih odnosa u Bosni i Hercegovini u periodu Austro-Ugarske i stare Jugoslavije. To je istorija političke borbe srpske i hrvatske buržoazije za priključenje Bosne i Hercegovine Srbiji, odnosno Hrvatskoj, i istovremeno istorija muslimanske građanske politike i njenog osciliranja između dvije nacionalne orientacije.«<sup>14)</sup>

Tvrđnje S. Kulišića i E. Redžića da bosansko-hercegovački Muslimani čine etničku posebnost opširno su obrazložene i dokumentovane. Isto mišljenje zastupa i Edvard Kardelj. On navodi da Muslimani u Jugoslaviji nisu nacija »mada se — individualno uzvri — ne osjećaju ni Srbima ni Hrvatima i mada, s obzirom na to, svakako sačinjavaju posebnu etničku grupu (podvukao A. P.).«<sup>15)</sup> Tug je mišljenja i Ilija Kosanović, prema kome se muslimansko stanovništvo u Bosni i Hercegovini nastajući u specifičnim istorijskim uslovima nije oformilo u naciju nego sačinjava posebnu etničku grupu.<sup>16)</sup>

Profesor dr Branislav Durđev u nedavno izašloj knjizi »Uloga crkve u starijoj istoriji srpskog naroda« (»Svjetlost«, Sarajevo 1964), također smatra da bosansko-hercegovački Muslimani (u koje ubraja i Muslimane iz Sandžaka i Crne Gore) čine etničku posebnost u srpsko-hrvatskom jezičnom području, kao što to čine crnogorska, srpska i hrvatska nacija, čime implicira etničku (nacionalnu) posebnost bosansko-hercegovačkih Muslimana, analogno nacionalnoj posebnosti Srba, Crnogoraca i Hrvata. Ovaj naš naučnik specifiku Srba i Crnogoraca vidi uglavnom u onom elementu kulture i tradicije (tj. vjeri) koji je i kod Muslimana, naravno u drugoj vjeri, igrao veoma značajnu ulogu. Naime, on naglasava da je srpskoj i crnogorskoj nacijskoj karakteristična tradicija, kojoj je pečat uđalo srpsko pravoslavlje. Upravo time se oni razlikuju od Hrvata i Muslimana.<sup>17)</sup>

<sup>14)</sup> Enver Redžić, isto, str. 123. i 124.

<sup>15)</sup> Edvard Kardelj, Razvoj slovenačkog nacionalnog pitanja, »Kultura«, Beograd 1960, str. 104.

<sup>16)</sup> Ilija Kosanović, Istoriski materializam, »Veselin Masleša«, Sarajevo 1968, str. 378.

<sup>17)</sup> Na str. 19. pomenutog djela prof. dr Durđev navodi: »Ali se Crnogorci najviše od ostalih naroda čini jezik nije srpsko-hrvatski nego i od Hrvata i od muslimana srpsko-hrvatskog jezika razlikuju time što imaju srpsku tradiciju koju je 'srpsko pravoslavlje' udarilo pečat. Dalje on naglašava da se srpski narod razlikuje od ostalih naših naroda uglavnom po tome što su njegovi snovi pravoslavne vjere potiču iz pravoslavnih porodica. Ina, istina, nešto bosansko-hercegovačkih muslimana (u ubrajaju i muslimane iz Sandžaka i Crne Gore) koji su bosansko-hercegovački porekla i kojima je srpsko-hrvatski materinski jezik, koji su zahvateni razvojem srpske nacionalne svesti, pa se smatraju Srbinima, osobno Crnogorcima. S obzirom na to, ali i obim pomenutog djela prof. Durđev nije razvio svoje misli o bosansko-hercegovačkim Muslimanima, ali je iz knjige jasno njegovo stanovlje Srbe, Crnogorce, Hrvate i Muslimane. U istom jezikom području razlikuje Srbe, Crnogorce, Hrvate i Muslimane. U istom je prof. Durđev i ranije pisao. Vidiši: B. Durđev, Osnovna filozofska pitanja u razvitku jugoslavenskih naroda do obrazovanja nacija, »Prepreda«, Sarajevo 1966.

Prema tome, evo istorijski tok zbijanja na jugoslavenskom. On pokazuje da su bosansko-hercegovački Muslimani u političkom i vođenjem životu stalno reagovali kao poseban subjekt, naročito u nacionalnim odnosima.

U poslijeratnom periodu reagovanje Muslimana u nacionalnom pitanju bježdano se vidjelo kod izjašnjavanja o nacionalnosti prilikom popisa stanovništva. I Milenko S. Filipović u navedenom članku operira sa ciframa o nacionalnoj pripadnosti stanovništva, ali upravo statistički podaci kojima se koristio, kao i podaci iz kasnijeg perioda, ne potvrđuju njegove konstatacije. Treba napomenuti da pri popisima stanovništva u 1948., 1953. i 1961. godini nisu postojali jedinstveni kriteriji bar što se tiče bosansko-hercegovačkih Muslimana, ali je ipak moguće pouzdano utvrditi određene pojave od značaja za postavljeni problem.

U Jugoslaviji je 1948. godine bilo 1.036.124 Muslimana, od kojih 181.036 Srba, 29.071 Hrvata, 37.096 Makedonaca i 808.921 nacionalno neopredijeljenih. Od ovoga broja u Bosni i Hercegovini je bilo 885.689 Muslimana i to: 71.991 Srba, 25.295 Hrvata i 778.403 nacionalno neopredijeljenih.<sup>10</sup>

Prilikom popisa stanovništva 1953. godine izjasnilo se 998.698 stanovnika kao »Jugoslaveni — neopredijeljeni«, od čega 891.800 u Bosni i Hercegovini.<sup>11</sup>

U popisu stanovništva 1961. godine postojala je među narodnostima oznakama grupe »Musliman (etnička pripadnost)« pod kojom su se posuzumijavala samo lica jugoslavenskog porijekla koja su sebe smatrale Muslimanima u smislu etničke, a ne vjerske pripadnosti. Prema tome su Šiptari, Turci, kao i Srbi, Hrvati, Crnogorci ili Makedonci, koji sebe nisu smatrali Muslimanima u smislu etničke nego vjerske pripadnosti, upisivali su svoju nacionalnost kao Šiptar, Turčin, Srbin, Hrvat, Crn-

<sup>10</sup> Podaci o narodnosti su prikupljeni prema subjektivnom kriteriju potpuno neodređeno narodnog opredjeljenja. U metodološkom pogledu Muslimani Jugoslavenski (njihovo porijeklo) differencirani su na nacionalno opredijeljeni i nacionalno neopredijeljeni. Tako su Muslimani odgovarali sa Srbin — musliman, Hrvat — musliman itd. Ali »neopredijeljeni« — muslimani. Prilikom obrade građe — prama objašnjenje Saveznega sveta za statistiku — pojedine grupe nacionalno opredijeljeni Muslimani uključene su u odnosnu nacionalnost (Srbi — muslimani u Srbu itd.) tako da su u rezultativu pojedini tako posebna grupa samo »neopredijeljeni Muslimani (Savezni zavod za statistiku, popis stanovništva 1953. knjiga VIII — narodnost i materijalni jezik — Beograd 1958. str. XXII i XXIII).

<sup>11</sup> U popisu stanovništva 1953. godine nacionalno opredijeljeni Muslimani učinili su narodnost kojoj po svom slobodnom uvjerenju pripadaju (Šiptari, Turci, Srbi, Makedonci, Crnogorci itd.) dok su nacionalno neopredijeljeni Muslimani uključeni u dvije grupe: one su jugoslavenskog etničkog porijekla u grupu »Jugoslaveni — neopredijeljeni«, a one nisu endo u grupu »Nacionalno neopredijeljeni«. S obzirom da se o Bosni i Hercegovini izjavljuje 891.800 stanovnika kao »Jugoslaveni — neopredijeljeni« i na ovoj nadir potvrđuje ranija konstatacija da su bosansko-hercegovački Muslimani jugoslavenskog porijekla, kao posebna etnička grupa.

Isude, kao osnaku narodnosti »Jugoslaven — neopredijeljen«, upisivali su Bosne i Hercegovinu u ovo kategoriju, a ne u grupu Muslimana nacionalno neopredijeljenih, u 1961. godini.

Naravnije razlike, odnosno porast nacionalno neopredijeljenih Muslimana u Bosni i Hercegovini od 778.403 u 1953. godini na 891.800 »Jugoslaven — neopredijeljeni«, sumnji se činjenicom da se prvičan broj Muslimana, koji su se 1953. godine učinili u Bosni i Hercegovini, u 1961. godini nazvao kao »Jugoslaven — neopredijeljeni«, a ne »Muslimani«. Popis stanovništva 1953. godina, Belišće, Vojvodina i materijalni jezik — Beograd 1958. str. XXIII).

gorac ili Makedonac.<sup>20)</sup> Tada se deklarisalo 872.854 Muslimana u smislu etničke pripadnosti; od toga je 842.854 lica bilo iz Bosne i Hercegovine. Pri ovome treba napomenuti da od 317.125 lica koja su se 1961. godine izjasnila kao »Jugoslaveni — nacionalno neopredijeljeni«<sup>21)</sup> na Bosnu i Hercegovinu otpada 275.883. S obzirom da su se, kao što smo već pomenuli, u 1953. godini kao »Jugoslaveni — neopredijeljeni« izjasnili najvećim dijelom bosansko-hercegovački Muslimani, to je opravdano pretpostaviti u nedostatku preciznijih podataka da je i 1961. godine među navedenih 275.883 »Jugoslavena — neopredijeljenih« u Bosni i Hercegovini bilo, također, najviše Muslimana i to upravo onih koji su se 1948. godine izjasnili kao Srbi ili Hrvati, a 1953. godine kao »Jugoslaveni — neopredijeljeni«.

Ovi podaci sami po sebi ubjedljivo govore da su bosansko-hercegovački Muslimani prilikom popisa stanovništva 1961. godine još jaasnije izrazili svoju etničku posebnost koja je u stvari i do tada postojala i koja za njih nikada nije dolazila u pitanje. U ovoj prilici, oni koji su se ranije bili izjasnili kao Srbi i Hrvati, sada su uglavnom prihvatali socijalističko jugoslavenstvo iskazujući time da nisu nacionalno opredijeljeni kao Srbi i Hrvati, a oni koji su svoju etničku posebnost iskazivali kao nacionalno »neopredijeljeni« sada su tu svoju posebnost u nacionalnom smislu izjasnili u formi »Musliman — etnička grupa«.

Prema iznesenim podacima ogromna većina bosansko-hercegovačkih Muslimana izjašnjava osjećanje pripadnosti muslimanskoj zajednici kao etničkoj, a ne vjerskoj grupaciji.<sup>22)</sup> U tome i jeste specifičnost — nacionalnog tretmana bosansko-hercegovačkih Muslimana. Oni se kao posebna etnička grupa u nacionalnom smislu potpuno razlikuju od ostalih neislavenskih muslimana u našoj zemlji, koji — iako su islamske vjere isповijestti — pripadaju određenim nacijama (konkretno Šiptari i Turci). Izneseni statistički podaci predstavljaju značajan dokument na stanovištu sociološkog i politikološkog sagledavanja problema. Očito je da je gro Muslimana u nacionalnom pogledu »neopredijeljen« samo u slučaju ako se — kao što se radilo o buržoaskoj Jugoslaviji — postavljaju pred dilemu izbora srpstva ili hrvatstva. Odbacivanjem buržoaskih teorija i nacija i buržoaskih nacionalističkih aspiracija za »opredjeljivanjem« bosansko-hercegovačkih Muslimana, Muslimani u socijalističkoj Jugoslaviji izražavajući svoju posebnost ničim ne dovode u pitanje svoje bratske od-

<sup>20)</sup> Savezni zavod za statistiku, Stanovništvo i domaćinstva — osnovne strukture prema popisu 1961., Statistički bilten, Beograd novembar 1962, str. 13.

<sup>21)</sup> Odgovor »Jugoslaven — nacionalno neopredijeljen« 1961. godine upisivali su građani Jugoslavije koji se nisu bili nacionalno opredijelili (Savezni zavod za statistiku, Statistički bilten 250, Beograd 1962, str. 6).

<sup>22)</sup> Još uvijek se dešava da se bosansko-hercegovački Muslimani tretiraju kao vjerska grupa pored evidentnih činjenica o njihovoј etničkoj posebnosti. U vezi s ovim interesantan je u publikaciji »Socijalistička Republika Bosna i Hercegovina« (Sarajevo 1983) na str. 56. i 57. navod Mladena Čađarovića da »Muslimani istog portala, kao i Srbi i Hrvati (...) danas se u daleko pretečnom broju ne osjećaju ni kao Hrvati, nego posebna etničko-istorijska, a najčešće i vjerska grupa (podvukao A. P. Ovcarke formulacija, tim nam se, nije potpuno jasna i dopušta takvu interpretaciju) da je samo kod bosansko-hercegovačkih Muslimana religija, konkretno islam, odigrala ulogu u njihovom nacionalnom formiranju kao posebne etničke grupe. Međutim, nema razloga da se to posebno naglašava kod Muslimana, postoje konfesionalni monism kod Srba i Hrvata takođe odigrao istu ulogu. To uostalom vidno ističe i prof. Burčić u jednim citiranim raspravama.

mose i medusobno poštovanje, jugoslavenstvo i socijalističku solidarnost kao što to nije slučaj ni sa izražavanjem posebnosti naših ostalih nacija i narodnosti. Zbog toga je podražavanje bilo kakvih tendencija za nacionalnim »opredjeljivanjem« Muslimana u pravcu srpskog ili hrvatskog ne samo nenučeno, nego nije ni u skladu sa osnovnim smjernicama našeg daljnog socijalističkog razvoja, kako je to konstatovano na Šestom sastanku Centralnog komiteta Saveza komunista Bosne i Hercegovine.<sup>49</sup>

Sve ovo uputuje na zaključak, ako se ne želi izlaziti iz okvira istrijkih činjenica, da je bila i ostala realnost da se bosansko-hercegovački Muslimani sve do danas nisu »opredjeljili« kao Srbi i Hrvati i da se sa tim računa u našem javnom životu. Tu realnost najmanje su u stanju izmijeniti stavovi pojedinačna, koji krivo interpretiraju činjenice, rukovodeni raznim predražđenjima o naciji i međunarodnim odnosima.

U kome će se pravcu dalje odvijati razvitak bosansko-hercegovačkih Muslimana i kakav će uticaj na njihov razvitak kao starike grupe — kao i uopšte na nacionalni razvitak kod nas — imati danas je socijalističko jugoslavenstvo, kao oblik svijesti socijalističke zajednice radnih ljudi naroda Jugoslavije, teško je procicati. Ipak je sigurno da će socijalistički odnos, koji i na planu odnosa među narodima stvaraju nove kvalitete, i u odnosu na bosansko-hercegovačke Muslimane — kao uostalom i u odnosu na sve naše narode — djelovati slijem svoje zakonitosti u smjeru humanističkog progresivnog kretanja. Sve veće približavanje svih naših narodnosti imperativ je zasnovan na životnim, ekonomskim interesima, kao i na principima proleterskog, socijalističkog internacionalizma i solidarnosti.

Novi produženi socijalistički odnos, čija je osnova radni čovjek, proizvodnja vrijednosti na društvenim sredstvima za proizvodnju, kao i naš Ustav i svi oblici političke i idejne nadgradnje dјeluju i treba da još više dјeluju u pravcu jačanja onog što je zajedničko, jugoslavensko i socijalističko.

#### ATIF PURIVATRA

<sup>49</sup> Na Šestom sastanku CK SK BiH u marta 1955. raspravljajući o idejno-političkim problemima u oblasti kulture, nauke i međunarodnih odnosa, između ostalog je rečeno: »Svi narodi i zabuna u redovima Muslimana ustaje je testa o opredjeljivanju našeg naroda, Srba i Hrvata, koja je dominirala do prije nekoliko godina. Razumao o opredjeljivanju Muslimana nije imao nikakvog novčenog osnova. To potvrđuje i naše poslijevremeno istjutvo u vezi sa opredjeljivanjem Muslimana preličkom popisa stanovništva. Takođe su našu prepoznavanu i političku testu takva abzviranja koje u nacionalnoj opredjeljenosti Muslimana kao Srba ili Hrvata vide izraz progresa prema idejama i prijedlozima muslimanske (činilec), A. P.) zajednice (viši planom Centralnog komiteta Saveza komunista Bosne i Hercegovine, Sarajevo 1955. str. 27. i sl.).